

Ո Ր Ո Շ ՈՒ Մ

Վարչական իրավախախտման գործով զանգատն առանց բավարարման, իսկ որոշումն անփոփոխ թողնելու մասին

27-12-17
17-2-34329

27.12.2017թ.

ք.Երևան


Ճանապարհային ոստիկանության պետ, ոստիկանության գնդապետ Եգոր Կարապետյան, վերանայելով Աշոտ Գրիգորյանի դիմումի շուրջ ստեղծված նյութերը,

Պ Ա Ր Զ Ե Ց Ի

2017թ. դեկտեմբերի 1-ին Երևան քաղաքի Օրբելի փողոցի 4-րդ շենքի 36-րդ բնակարանի բնակիչ Ա.Գրիգորյանը դիմել է այն մասին, որ նույն օրը, ժամը 10:10-ի սահմաններում իր նկատմամբ կազմվել է վարչական իրավախախտման վերաբերյալ արձանագրություն, քանի որ իր կողմից վարած ավտոմոբիլի դիմապակուց բացակայել է տեխնիկական զննության կտրոնը: Դիմումատուն նշել է, որ բոլոր վճարումները կատարված են եղել, սակայն կտրոնը բացակայել է, քանի որ բանկում նախորդ օրը կտրոն չի եղել: Ա.Գրիգորյանը խնդրել է անվավեր ճանաչել իր նկատմամբ կայացված վարչական տույժ նշանակելու մասին որոշումը, իսկ հակառակ դեպքում տուգանքի վճարումը տարաժամկետել լ"նց ամիս ժամանակով:

Դիմումի ուսումնասիրությամբ պարզվել է, որ 2017թ. դեկտեմբերի 1-ին, ժամը 10:10-ին Երևան քաղաքի Բաղրամյան պողոտայում Ա.Գրիգորյանի կողմից վարած «Ֆոլկսվագեն» մակնիշի 30 LO 470 հաշվառման համարանիշի ավտոմոբիլը կանգնեցվել է ճանապարհային ոստիկանության ճՊԾ 1-ին սպայական գումարտակի 1-ին սպայական դասակի տեսուչներ, ոստիկանության կապիտան Գ.Մովսիսյանի և ոստիկանության ավագ լեյտենանտ Գ.Կարապետյանի կողմից՝ ճԵԱԱ մասին օրենքի խախտման համար, այն է՝ վարորդն ավտոմոբիլը վարել է ուժի մեջ գտնվող տեխնիկական զննության կտրոնը օրենսդրությամբ սահմանված տեղում չփակցված վիճակով: Գ.Կարապետյանի կողմից Ա.Գրիգորյանի նկատմամբ կազմվել է վարչական իրավախախտման վերաբերյալ արձանագրություն և, համաձայն ՀՀ ՎԻՎ օր-ի 123.4-րդ հոդվածի 2-րդ մասի, կայացվել է ԱԴ 319663 որոշումը՝ վերջինիս 20.000 դրամ տուգանելու մասին:

Ըստ տեսուչների կողմից տրված գրավոր բացատրությունների՝ նշված իրավախախտումը հայտնաբերելուց հետո, սահմանված կարգով կանգնեցրել են Ա.Գրիգորյանի կողմից վարած «Ֆոլկսվագեն» մակնիշի 30 LO 470 հաշվառման համարանիշի ավտոմոբիլը, Գ.Կարապետյանը մոտեցել է վարորդին, ներկայացել, պարզաբանել իրավախախտման բնույթը, պահանջել փաստաթղթերը և կազմել վարչական իրավախախտման վերաբերյալ արձանագրություն: Վարորդը հրաժարվել է ծանոթանալ և ստորագրել կազմված արձանագրությունը, ինչպես նաև հրաժարվել է ստորագրել և տեղում ստանալ որոշման պատճենը: Տեսուչները գրավոր բացատրություններով նշել են, որ մինչ արձանագրություն կազմելը վարորդին պարզաբանվել է, որ ուժի մեջ գտնվող տեխնիկական



-բյան կտրոնի առկայության դեպքում, կարող է սահմանված տեղում այն փակցնել և ազատվել վարչական պատասխանատվությունից, ինչին վերջինս պատասխանել է, որ չունի ուժի մեջ գտնվող տեխնիկական զննության կտրոն:

2017թ. դեկտեմբերի 22-ին, իր դիմումի քննարկմանը մասնակցելու նպատակով, ճանապարհային ոստիկանության ՃՊԾ բաժին է հրավիրվել քաղ. Ա.Գրիգորյանը, ով գրավոր բացատրությամբ պնդել է դիմումում նշված հանգամանքները և խնդրել է քննարկման արդյունքների մասին իրեն հայտնել գրավոր: Ա.Գրիգորյանը ներկայացրել է վճարման անդորրագրերի պատճենները և «Հայբիզնեսբանկ» ՓԲ ընկերության կողմից տրված տեղեկանք, համաձայն որի բանկում համակարգչային ցանցային կապի խափանման պատճառով 2017թ. դեկտեմբերի 1-ին Ա.Գրիգորյանին տեխնիկական զննության կտրոն չի տրամադրվել:

Այսպիսով, կատարված ուսումնասիրություններով պարզվել է, որ Ա.Գրիգորյանի արարքում առկա է Վարչական իրավախախտումների վերաբերյալ ՀՀ օրենսգրքի 123.4 հոդվածի 2-րդ մասով նախատեսված դեպքը, ուստի, ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի`

- 1.Աշոտ Գրիգորյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 1-ին սպայական դասակի տեսուչ, ոստիկանության ավագ լեյտենանտ Գ.Կարապետյանի կողմից կազմված վարչական իրավախախտման արձանագրության հիման վրա 2017թ. դեկտեմբերի 1-ին կայացված ԱԴ 319663 որոշումը` Աշոտ Գրիգորյանին քսան հազար դրամ տուգանելու մասին` անփոփոխ:
- 2.ԱԴ 319663 որոշմամբ նշանակված տուգանքի վճարումը տարաժամկետել վեց ամիս ժամանակով:
- 3.Սույն որոշման օրինակներն ուղարկել ճանապարհային ոստիկանության վարչական գործունեության բաժանմունք և դիմումատուին:
- 4.Սույն որոշումը կարող է բողոքարկվել ՀՀ վարչական դատարան` օրենքով սահմանված կարգով և ժամկետներում:

